



古今事文類聚

遺集
十一

~~99~~
~~98~~

逍遙文庫
文庫 6
28
98





新編古今事文類聚遺集卷之十

建安

祝淵

宗禮

編

金陵

唐富春

子和

刊

殿司部遺

總二衙

歷代沿革三衙即漢人之南軍也宋

沿五代之制有待衛親

兵及殿前兩司蓋侍衛親軍起於後唐

職略又石林燕語云

侍衛親軍自梁起宣武軍乃以鎮兵因舊

置在京馬步軍

都指揮使而自將之蓋於唐六軍諸衛之外則為私兵至後

唐明宗遂改為侍衛親軍

殿前始於周世宗顯德元年五代

會要 宋朝侍衛親軍置都指揮使。雖都虞候亦在殿前都指揮使之上。淳化元年傳潛自殿前副都指揮使遷侍衛親軍馬步軍都虞候。在殿前都指揮使戴興之上。咸平二年王超自殿前都指揮使遷侍衛親軍馬步軍都虞候。實錄自王超罷職無復任者。而侍衛司馬軍步軍遂分為二。一芳殿前號三衙而馬步二軍始居殿前司之下焉。取各三司天下之兵柄皆在其權。雖重而軍政號令則在樞密院。與漢周間史洪奎之徒為之者異矣。此祖宗之微意。非前世所及也。石林燕語

古今事實

周廬之師

親衛諸軍虎旅百萬。蓋天下武鋒之萃也。既建二帥以護周廬

之師 國史

號八枕梯 見四廂門

士識威名

高武烈王瓊為殿前都指揮使。管軍員缺。王兼領二司。乃言曰。先朝自殿前而下。各置副都指揮使。及都虞候。常有千人職近。事親身以第進。又使士卒預識威名。緩急臨戎。上下附習。此軍制之大要也。上從之。言行錄

招丁營圍

楊沂中提舉宿衛親兵。時衛兵不滿二千。病其寡弱。於是招丁壯營牧圍。未半歲軍容果張。中興系年錄

禮繼二府

熙寧九年殿前都指揮使郝質言往軍器監與判監劉奉世會
議軍器上批殿前馬步三帥朝廷待遇禮繼一府事體至重寺
監小官豈可呼召自今止令移文定議續會要

見宰執橫杖

三衙內中見宰執皆橫杖于文德殿後主廊階下唱喏宰相出
立階揖之外遇從官於通衢皆避馬此禮久廢惟內中橫杖之
禮至今不廢也筆譚

與學士分道

寶元康定余自貶所還京見王君貺初作舍人在坐見殿前馬
步軍聯騎立門外呈務稱不敢求見舍人遣人謝之而去慶曆
三年余作舍人三衙軍相逢而斂馬駐立前呵者傳聲太尉立

馬急遣入謝之比舍人馬過然後敢行後余官于外十年而還
遂入翰林與學士相逢分道而過更無斂避之禮蓋兩制漸輕
三衙漸重歐公歸田錄

古今文集

雜著

論三衙軍制劄子

洪邁

臣仰惟陛下天資神武留意治軍將士感恩用命非復前比然
臣區區管見獨以謂猶有可議者軍制不立名位不正是也請
以祖宗之制大略論之三衙軍職之大者凡八等除都指揮使
或不常置外曰殿前副都指揮使馬軍副都指揮使步軍副都
指揮使曰殿前都虞候馬軍都虞候步軍都虞候曰捧日天武

四廂都指揮使龍神衛四廂都指揮使秩秩有序若登梯然不可一級輒廢一或有闕即以功次遞遷降此而下則分營分廂各置都副指揮使如捧日左廂第十軍都指揮使天武右廂第二軍都指揮使之類邊境有事命將討捕則旋立總管鈴轄都監之名使各將其所部以出事已則復初二百年之間累聖相承皆用此術以制軍詰禁自南渡以後觸事草創於是三帥之資淺者始有王管某司公事之稱而都虞候以下不復設置乃以天子宿衛虎士而與在外諸軍同其名號以統制統領為之長又使遙帶外路總管鈴轄之名考之舊制則非法稽之事體則非是以陛下聖明能知人善任使所謂瓜牙之士豈無數十人以待用者若法祖宗之制正三衛之名改諸軍為諸廂改統

制以下為都虞候指揮使使宿衛之職預有差等士卒之心明有所係異時拜將必無一軍皆驚之舉於以銷壓未萌循名責實則環衛將軍雖不置可也如蒙聖慈或以為然乞下樞密討論故實圖議其當恐或可以少替陛下布昭聖武之意茲事體大願陛下深念之取進有旨付樞密院

殿前司

歷代沿革 殿前司 都指揮使副都指揮使都虞候 掌殿前諸班

直及步騎諸指揮之名籍凡統制訓練番衛戍卒遷補賞罰皆總其政令入則侍衛殿陛出則扈從乘輿大禮則提點編排整肅禁衛函簿儀仗掌宿衛之事都指揮使以節度使為

唐文苑英華卷之二十一

乏而副都指揮使都虞候以刺史以上充資序淺則主管本司公事馬步軍亦如之備則通治關則互攝四朝志祖宗以來三師不曾闕兩人若殿帥闕難以從下起補姚麟係殿前都虞候合世作步軍副都指揮使元祐十年樞密王岩叟言政和四年詔殿前都指揮使在節度之上殿前副都指揮使在正任承宣使之上殿前都虞候在正任防禦使之上四朝志宋初沿後周有殿前都點檢在都指揮上太祖由此承禪後不置焉中興以來主管殿前司一員其屬有幹辦公事主管禁衛各二員準備差遣準備差使點檢醫藥飲食各一員尋減幹辦公事一員增書寫機宜文字一員

羣書要語建安十九年王師東征余典禁兵行宮省曹植東征

賦錫以六毒摠此八屯溫公嘉其扈從之勤同上除殿帥建節制內揔七萃之師外分十連之任同上除郝質內典嚴衛外秉節旄同上賜郝質詔總領禁衛為王虎臣董率王師並同上進總凝嚴之務歷圖勁傑之資王岐公行李璋制屬嚴除之領帥仗帥鉞於殿除並同上置帥殿陛屬之董齊南豐擬制就列大廷典綏王旅同上祇護殿嚴東坡苗授制總朕虎臣典綏王旅環列增肅周廬不驚曲阜行燕達制管衛之士皆天下武臣之高選虞度軍中之事是可非其人哉荆公除宋守約制宿衛左右而虞度候視於軍中者其任甚寵南豐擬制

古今事實

躬親試閱

周世宗自高平之戰觀其退縮慨然有懲革之意又以驍勇之士多為外諸侯所占於是詔募天下豪傑不以草澤而俱送於闕下躬親試閱選武藝超絕及有身首者分署為殿前諸班因有散員散指揮使內殿直散都頭鐵騎控鶴之號

見髯將軍

劉猷以眾數萬欲犯建業楊和王沂中至藕塘與猷遇遣勁騎五千突入其軍賊兵亂沂中縱大軍乘之賊眾大敗猷曰適見髯將軍銳不可及果楊殿前也即以數騎道中興系年錄

上言土木

張耆字元弼真宗朝為殿中都虞候是時大興宮室之役以奉符瑞宰臣丁謂欲殫國財力雖大臣不敢議耆上言土木之役

不足以承天意耆後為樞密使

今寓捕蟬

宋守約為殿帥自入夏日輪軍校十數輩捕蟬不得聞聲有鳴於前者皆重答之入頗不堪神宗一日以問守約曰然上以為過守約曰軍中以號令為先臣承平總兵殿陛無所信其號令故寓以捕蟬耳蟬鳴固難禁而臣能使必去若陛下誤令守障臣庶幾或可使入上以為然石林燕語

馬軍司

歷代沿革

宋

都指揮使副都指揮使都虞候都指揮使本方鎮軍校之名自梁起宣武軍乃以其鎮兵因仍舊號置在京

事文類聚

卷之十

馬步軍都指揮使

掌馬軍諸指揮之名籍凡統制訓練番衛

戍守遷補賞罰皆總其政令待衛扈從及大禮宿衛所掌如殿前司政和四年詔以馬軍都指揮使馬軍副都指揮使在正任觀察使之上馬軍虞候在正任防禦使之上四朝志中

與以後主管侍衛馬軍司一員幹辦公事準備差遣點檢醫藥飯食常出戍建康

羣書要語四牡既佶既佶且閑詩材官車騎之衆號數萬旅命汝將之淇水盧政制階遂升於騎帥明道除夏越制早分將鉞

嘗帥騎兵胡文恭行張茂實制益遷徒騎之虞王岐公制

古今事實

馮敬維賢

漢主問魏騎將誰曰馮敬曰是秦將馮無擇子也維賢不能當

灌嬰

成陣教戰

燕達以功遷榮州防禦使為馬步軍副都指揮使神宗閱武騎患未精達請躬自巡教悉精銳又采諸葛亮李靖遺意成五陣以教戰士進殿前副都指揮使哲宗即位遷殿前都指揮使東都事略

訓齊士伍

元豐二年上批馬軍都虞候權主管步軍燕達能體朝廷訓齊士伍之意故二司所摠師徒技能日進宜與一子閣職會要

步軍司

歷代沿革

宋朝都指揮使副指揮使都虞候掌步軍諸指揮之名籍凡統制訓練番衛戍守遷補賞罰皆總其政令侍衛扈從及大禮宿衛如殿前司政和四年詔以步軍都指揮使副都指揮使在正任觀察使之上都虞候在正任防禦使之上

四朝志中興以來主管侍衛步軍司一員幹辦公事準備差遣點檢醫藥飯食

羣書要語

唐大詔令補督將之缺淇水除苗侵等制

虞度兵計候司戎事亦統護之同上參典親衛曲阜行賈岩制

既策勵於徒兵明道除夏守戎制仍遷軍候之職東坡除劉亞

卿制設候奄之職以訓齊其政又疇次專勞宜進候奄王岐除

古今事實

上攻守策

宋朝元天既叛劉平遷副指揮使靜江軍觀察苗後遂上攻守之策極論一虜利害時以其言合孫吳以名將稱

視若神人

党進權步軍司事先是禁軍校自都虞候以上悉以所掌卒伍之數細書於所執之挺謂之杖記如笏記焉上一日問進雜籍幾何進不能對舉挺曰盡在是矣上笑謂其忠實進每擐甲冑則髭髯皆磔豎目光如電視之若神人長編

止戎兵譁言

言人頁...

高武列主瓊為步軍都指揮使會成兵以廩食陳弱譚言者瓊知之一日巡管士卒方坐食因取其飯啖之謂曰邊鄙無事而坐飽此真知幸也范蜀公蒙求

總軍司部

總將帥

歷代沿革並見後各官之下此但載通用事

羣書要語師貞丈人吉無咎易長子帥師以中行也同上文武

吉甫萬拜為憲詩顯允方叔征彼獫狁維師尚父時維鷹揚矯

矯虎臣在泮獻馘進厥虎臣闕如虺虎方叔元老克壯其猶赴

赴武大公侯干城赫赫南仲矯矯虎臣予曰有奔走予曰有禦

悔並同上司馬統六師書大司馬以九伐之法正邦國禮晉毀

軍為二行將上行中行下行左傳能令與師淹於君也汪主兵

車同上班師振旅書卻敕閱禮樂敦詩書乃將上軍左傳五

牙璋以起軍旅禮為魚麗之陣先偏後伍伍承彌縫云云旌動

而鼓左傳王天捷則凱歌禮將為天目國命所寄燕集國不可

從外理軍不可從中御淮南子四封外事當資范蠡之賢國語

太史公曰兵以正合以奇勝田單傳無邀正正之旗毋擊堂堂

之陣孫子孫吳之言賂乎將耳王符潛夫論行師用兵之要不

必取孫吳而暗與之合同上賞如高山罰如深溪猛將四七魏

都賦怒如嚴霜喜如時雨同上材標美箭門襲良弓軍法盈懷

兵規指掌燕公制飲水受芥指授揚麾燕集雨洗天兵風震虜

醜李晟廟碑翩翩飛將董我二軍李德裕集魚麗鶴列西陽雜

漢將出山西安邊境立功名在於擇良將名聲暴於夷貉威

稜澹乎鄰國高壘深溝臥驚營而不動地營鳥陣臨死地而無

疑並類要惟弟惟兄莫非願牧元集行李原制金方之氣疑為

將星王者法天選命豪傑授之以威日集制皇情西顧則九

寡鼓詔書比伐則六狄焚旗同上匈奴未滅甲第何營壯士不

還風寒自起楊盈川碑

詩句洗劍清海內刻功天山石杜甫王思禮詩戈矛虓虎士

箭落鵬兵杜牧年少好風情垂鞭馳隼行帶金獅子小裘錦

麟張祐贈南海將詩蒐兵四解降王縛報國三登上將壇曹

彬今代麒麟閣何人第一功云云青海無傳箭天山早掛弓胡

人愁逐北宛馬又從東受命邊沙遠歸來御席同杜甫上哥舒

翰虜障天驕起秦城地脉分鋒刃奔濤色旗堆駭火文五原

風火急六郡羽書催將軍朝校鈔戰士夜銜枚沈佺期詩蓋

將軍真丈夫行年三十執金吾岑參玉門關蓋將軍歌萬里赴

戎機關山度若飛朔氣傳金柝寒光照鐵衣樂府木蘭花詩

古今事實

六出奇計

漢陳平六出奇計

楚梟將

九江王布楚梟將張良傳

猛將如雲

猛將如雲謀臣若虎

天下無雙

李廣才氣天下無雙

圖上方畧

趙充國擊羌虜上問當用幾人曰兵難渝度臣頭馳至金城圖

上方畧

不學兵法

霍去病不學古兵法願方畧何如耳

此亦一奇

黥布楚共布戰為二軍欲以相救為奇云云此亦一奇也

九戰九勝

韓信絕通道大破秦軍九戰九勝

誘騎游兵

李廣傳匈奴數千騎見廣以為誘騎又張良往來為游兵

常為間候

傅介子傳常為間候言為間而伺候

頗牧為將

馮唐傳上封解曰吾獨不得廉頗李牧為將豈憂匈奴哉

將軍制閫外

古王者之遣將也跪而推轂曰閫以內寡人制之閫以外將軍制之

卧内奪印

漢高祖入韓信軍即其卧内奪其印麾召諸將易置之

夜擊刀斗

李廣以銅作箭器受斗夜擊持行刀斗

號為飛將

呂布字奉先便弓馬膂力過人號為飛將

葛亮之才

諸葛亮之才於戎為長奇謀為短理民之幹優於將

謂之鐵虎

蔡祐與齊戰被明光甲所向無前齊人謂之鐵虎

號為杜虎

梁西荊州刺史杜山從膂力過人便馬善射所佩寶明朱弓四

石餘力每出挑戰魏軍憚之號為杜虎

熊虎之將

周瑜謂孫權曰劉備有關張熊虎之將又為世虎臣有飲馬長江之志

稱萬人敵

關羽張飛皆萬人敵又唐李日越高庭暉為史思明將皆稱萬人敵後歸唐

齊戒受斧

九將出必齋戒之廟受斧故云齋斧魏志

臨軒受鉞

唐渾瑊德宗進狩山南城以諸軍衛入谷口帝臨軒受鉞用漢

拜韓信故事又詔於廟堂授以斧鉞鑿門命將

十策圖蕭銑

唐李靖累授開府獻十策圖蕭銑

三箭定天山見都總管門

刺山泉涌

前漢李廣號貳師將軍拔佩刀刺山飛泉涌出

列耀斗魁

文昌宮上將以將列耀於斗魁史曆書

振旅凱旋

唐裴行儉大破突厥振旅凱旋

此真將軍

文帝時匈奴大入邊亞夫為將軍軍細柳以備胡上自勞軍至
霸上棘門已而之細柳先驅至軍門都尉曰軍中聞將軍之令
不聞天子之詔上使使持節詔將軍曰吾欲勞軍亞夫傳言開
壁門天子按轡至中營亞夫以重禮見天子為動改容式車文
帝曰嗟乎此真將軍矣鄉者霸上棘門如兒戲耳至亞夫可得
而犯耶前周亞夫傳

矍鑠老翁

馬援拜伏波將軍會劉向擊武陵五溪蠻長深入軍沒援請行
時年六十二帝愍其老援曰尚能被甲上馬帝令試之援據鞍
顧眎以示可用帝曰矍鑠哉是翁也

虎頭燕頤

馬援傳 虎頭燕頤 援嘗言 燕頤之類 虎頭之類 援嘗言 燕頤之類 虎頭之類

前班超相者謂超燕領虎頭飛而食肉萬里侯相也

勒石紀功

後竇憲遂登燕然山勒石刻功紀漢威德今班固作銘曰臨黃
頤之區落飛老上之龍庭

作八陣圖

諸葛亮作八陣圖

一身是膽

趙雲字子龍將數十騎值曹操軍大出雲遂前突其陣且鬪且
却魏兵追至營雲大開門魏疑有伏兵引去雲以勁弩射魏兵
魏兵驚駭自相蹂踐墮水死甚多備明且至雲營視昨戰處曰
子龍一身都是膽也 蜀志

持半段槍

哥舒翰為河西衙前將吐蕃大寇邊翰持半段槍當其鋒擊之
元宗實錄

佩四將印

王忠嗣有武畧佩四將印為隴西節度
下馬作露布

樽俎折衝

傅奕字修期拜安遠將軍帝嘆曰上馬能擊賊下馬作露布
仲尼曰晏子起於樽俎之間折衝千里之外

與分甘苦

吳起與士卒分甘苦

擊牛饗士

李牧備鴈門市租皆輸入幕府日擊牛饗士

減竈增竈

孫臏減竈虞詡增竈史

拔幟立幟

韓信拔趙白幟立漢赤幟

國之爪牙

漢李廣斬霸陵尉上書自陳上報曰將軍者國之爪牙

提鼓援炮

范蠡應使者曰左提鼓右援炮國語

秉鉞抗旌

大將軍秉鉞抗旌終軍傳

設壇具禮

韓信傳擇日齋戒設壇具禮拜為大將一軍皆驚

杖箠下城

張耳杖馬箠下數城

枕席過師

趙充國信威于里從枕席上過師

戰勝攻取

前高帝曰連百萬之衆戰必勝攻必取吾不如韓信人傑漢書

雅歌投壺

祭遵為將軍取士皆用儒術對酒設樂必雅歌投壺雖在軍旅

不忘俎豆也東觀漢記

橫行匈奴

十萬橫行舞陰侯之殺氣又單于嘗為書嫚吕太后太后怒上將軍樊噲曰臣願得十萬衆橫行匈奴中季布曰可斬也

武暢四海

陳湯威震百蠻武暢四海

威如破竹

杜預曰今兵威已振譬如破竹數節之後皆迎刃而解

虜在目中

光武西征隗囂召馬援至於帝前聚米為山谷帝曰虜在吾目中矣

誓清中原

晉元帝定江南以祖逖為奮威軍豫州刺史逖渡江中流擊楫而誓曰祖逖不能清中原而濟者如此江

乘月清嘯

晉劉琨為并州都督拜大將軍在晉陽為胡騎所圍琨乘月登樓清嘯賊聞之悽然長嘆中夜奏笳向晚復吹之賊弃圍走

驅鹿角圍

徐晃字公明為平寇將軍討關羽入圍破之太祖令曰曾驅鹿角小重圍魏志

赤兔突陳

吕布有良馬曰兔常與其親近乘赤兔而陷鋒矢突陳

曉暢軍情

將軍向寵性行淑均曉暢軍情諸葛亮出師表

卧息旗鼓

諸葛亮屯陽平兵少自若敕軍卧旗息鼓

八陣七擒

諸葛亮因八陣以施武經七擒以即戎柳氏家錄

八遇八克

婁師德字宗臣武后時猛士討吐蕃乃自奮戴紅抹額來應詔後共虜戰八遇八克

右刀左稍

西郡南郢州刺史耿令貴謂所部曰大夫見賊須右手拔刀左

手拔稍莫皺眉畏

止風反雪

王駿將并州兵濟河討突厥駿間行拾趣山谷夜遇雪恐失期誓於神曰駿事君不忠不討有罪天所殛者當自蒙罰心誠忠而天監之則止風反雪俄而和霽駿自東道追及之獲餘二千

酌酒祝江

隋賀若弼酌酒祝江得鱗魚腹中死且不恨

提鼓揮桴

唐薛登上疏提鼓揮桴臨難決疑此將事也一劔之任非將事也

將門有將

唐文選

楊元感求領兵煬帝曰相門必有相將門必有將

西平有子

李晟子李愬晟封西平王柳文平淮雅曰西平有子

轅門一龍

烏承玘字德潤開元中共族元承恩皆為平盧先鋒號轅門龍

黃驄少年

裴果常乘驄馬白袍先陷陣時號為黃驄少年

降騎十萬

郭子儀家傳永泰元年僕固懷恩結吐蕃回紇合圍經陽是時也兩軍相對控絃未發公獨以一騎出降陰山十萬騎

破賊五千

唐馬璘以百騎破賊五千光弼則曰吾未見以少擊衆如馬璘者矣

料敵如神

郭子儀訓師如子料敵如神家傳

取糧於敵

郝玘貞元中在邊積二十年每討賊不持糗糧取糧於敵

孤命辰行

高崇文為長城使奉詔征劉闢御軍常若寇至卯受命而辰行器用無闕

中興銳將

馬璘武幹絕倫遭時屯以忠力奮為中興銳將

太微上將

太微上將楊炯 魏將軍碑

旌義懷忠

劉昌王平涼劫盟二歿家名旌義家號懷忠 唐紀

開壁斫營

貞元二年尚結贊入寇諸軍開壁俱斫營

喜得虜將

薛仁貴從征遼東恃驍勇乃異其服色著衣太宗遙見之問

生錦白衣者為誰特引見賜馬絹喜得虜將

名可震敵

薛仁貴勇冠三軍名可震敵

號望英樓

高宗命英公勣伐高麗既破上於苑中樓上望號望英樓 金載補遺

上為治策

霍去病上為治策令視之對曰匈奴未滅臣何以家為也

歸載圖籍

宋朝曹彬謚武惠討蜀師還輜重甚多或言悉奇貨也太祖密令伺之圖書也無銖金寸帛之附焉又平江南舟歸無他物惟載圖籍衣被而已 言行錄

圖形以進

狄青與西賊戰每帶銅面具被髮出入行陣間未嘗中箭而上

未識其面遂令圖形以進青密令軍中聞鉦一聲則止再聲則嚴陣而陽却鉦聲止則大呼而突之士卒皆如教總遇敵未接戰遠聲鉦士卒皆止再士皆却虜人大笑相謂曰孰謂敵天使勇鉦聲止忽前突之虜兵大亂自相蹂踐死者不可勝計

射虜貴人

曹公瑋在秦川西番犯塞虜陣有出布陣虜貴人也瑋使射之一發而斃虜鳴笳而遁瑋以大軍乘之虜衆大敗係斬萬計西番由是懾服至今不敢犯塞每言及瑋則呼之爲父同上

射死韃覽

澶淵之役高武烈王瓊勸上發真城王下馬自扶輦衆渡河種酋失色及射死韃覽虜遂奉書請盟

應飛來識

湖寇楊公自恃其險賊中語曰有能害我除是飛來俄詔用岳飛適值大旱公命伐木爲巨筏塞諸港汊賊戰敗趨舟欲出湖而舟爲筏所礙不能遁遂戮死招降之飛來之識於是乎驗並同上

海州之捷

李寶至東海縣時虜兵已圍海州寶麾兵登虜營引去寶引舟師至密之膠西石臼島虜泊唐島相詎止一山候風即南不知王師之猝至丙寅風自南來衆喜爭奮引帆握刃俄傾過山薄虜虜驚大擾虜帆皆以繩縲爲之彌且數里忽爲波濤捲聚一隅寶命以火箭射之延燒數百火不及者猶欲前拒寶命健士

躍登其舟以短兵擊刺殪之舟中脫甲而降者三千人獲酋首郭家奴等斬之獲器甲糧斛以萬計飛小舟奏捷除沿海制置治迹統類

兀术大敗

李顯忠與諸將會淮西戰于柘臯兀术大敗公追至孔城奪耄倪之被虜者以萬計言行錄

逆亮敗走

虜王亮既敗於揚林走淮東尚留精兵於和李顯忠陣于和之城下賊虜敗走入城縱火公領軍塗甲冒火而進遂復和州上

捍禦金賊

吳价捍禦金賊猛士如林未嘗敗衄退守河東賊不敢逾河飲

決機如神

胡世將問吳武順王允珍所以戰則曰要在用所長去所短金之弓矢不若中國之勁利中國之士卒不若金人之堅忍據其形便更出銳兵沮其堅忍之勢則我固有以制彼至於決機兩陣之間變化如神默運乎心術之微則璘有不可言

勇冠三軍

太師韓蘄王世忠方從梁方之為將也破鄆賊于鹹河又破大名賊於超化寺又破內黃賊于沂州又破徐靖于莒縣又破長仙于播鼓山勇冠三軍

恨見鄉晚

郭觀察棧初為興元利州正將樞密使王公炎入蜀蒞公材留

真帳下乾道中部秦兵及錯申赴行在所因密薦之即日召入
孝宗悼符離失利寤寐中原公極言曩事剖析如流漏下五刻
上恨見卿晚並同上

兼四者美

李顯忠公以忠誠結知冕旒人謂義不忘君如關雲長忠不恤
家如李良器十歲之寬厚得人光弼之嚴明御下公兼四者之
美

奇計百出

李顯忠公之用兵奇計百出以勇果濟之先智後戰卒如所料
遇大敵餘人奪氣公方優游甚暇屬以少擊眾取勝言行錄

威震四海

曹武穆公瑋為將幾四十年用兵未嘗敗衄自三都之戰威震
四海喃斯羅聞公姓名即以手加額在天雄契丹使過魏地輒
陰勒其從人無得高語疾驅至多懼公不敢仰視同上

戰無不勝

吳侂親兵不滿五萬每戰乘有輿動鼓樂殊無懼色戰無不勝
以寡敵眾

建炎四年兀朮四至鎮江韓世忠駐焦山之時虜眾數萬世忠
總八千人世忠募海船百餘艘泊金山下虜見大笑曰此吾仇
上肉耳世忠命鍊鐵為長鯁串大鈎徧授強健者虜舟噪而前
世忠分海船為兩道出其背每鯁一鯁則絙一船而入虜不得
渡乃遣使願還所掠及獻馬五千世忠不聽曰只置兀朮乃

可去世忠據中流與虜相持。兀木不敢出。虜在儀真者乃於城外鑿小渠。屬之江。兀木刑白馬殺婦人。自別其額。祭天。以幸風濤之息。世忠悉師督戰。風弱。帆緩。我師不利。虜以輕物絕江而遁。

卒如所料

先是世忠視鎮江形勢無如龍王廟。虜來必登此。望我虛實。因遣二百卒伏廟中。又遣二百卒伏江畔。遣人於中望之。戒曰。聞江中鼓聲。岸下人先入廟中。人繼出。虜果有五騎。趨龍王廟。廟中之伏聞鼓聲而出。五騎振策以馳。僅得其二。有紅袍白馬。既墜而跳。馳得脫。詰一人者云。即兀木也。同上。

古今文集

雜著

為揚許州護右羽林將軍表

宋之問

五色無主。如驚葉縣之龍。千秋來歸。似對遼門之鶴。中謝臣聞為官擇人。先辟之成務。陳力就列。古人之用心。臣家本關西。衣冠河曲。素業將隊。真嗣英靈。朱輪載輝。謏承恩渥。未盈一紀。連刺九州。西涼本六郡之樞。南荆乃九州之會。蒲藩關左之重鎮。魏郡山東之奧區。宣城襟帶於吳郊。許昌密通於周室。每耻政逾期月。乏來暮之歌。候改星霜。無去思之詠。隼旗迴復。日奉恩榮。熊軾往還。多慙道路。出居岳牧。負尸祿之譏。入計河都。待驥官之責。不意天私俯宥。霽獎曲成。擢之以心膂之官。賜之在爪牙之地。非常之澤。捧戴失圖。天衛疑嚴。北軍清切。風霜劍騎。頓

古今文集卷之十一

玄武之仙闈龍馬旌旌環紫微之帝座掌斯嚴秘必屬親賢臣
 也何顏敢膺殊寵當今鷓鴣接翼文武周身威者實已過名位
 未充量臣內求諸已外媿妨賢若使愚臣苟安於私懷聖授不
 允於清議陶鈞雖廣無路自容慎實由衷讓非飾跡伏乞再收
 渙汗更授環材軍司得人臣謂報國無任傾幸媿負之極謹詣
 朝堂上表陳讓以聞

將略論

王 馥

衆穀子曰昔祝其之會仲尼云夫有文德者必有武備遂斬萊
 人頭足異處故曰文武之道未墜於地是以古之儒者服逢掖
 之衣頂童甫之冠佩環珞負櫛劍近代文儒耻言兵事苟或議
 及則僉謂之兇人今以翠華去鄆鎬黃屋軫堯心率土之濱莫

寧啓處方可論兵粗議將畧矣且自罹亂已來儒道既息武弁
 是崇然而將帥多以勇力爭強必有精練兵機而陳謀策者所
 謂以強凌弱以衆暴寡迭以吞噬適足以塗炭生靈構怨結禍
 夫兵之成敗在將帥之器能各有限劑須定等差淮陰侯與漢
 高祖論絳灌已下用兵多少信曰陛下可將十萬衆所謂能將
 將不能將兵夫高祖之雄才大略尚如此况其下哉楚子玉賢
 大夫也亦不能越三百乘是以王翦能將六十萬而李牧不能
 二十萬此方見將帥才器之大小也凡為將料敵之情偽而後
 決策制勝須知彼師之能否乃操我之所長假如韓信能設伏
 走我則逐奔不遠從襲不及白起能攻城野戰則當深溝高壘
 以挫其銳俾蜂蠆無所施其毒螫虎狼不能逞其爪牙本謀既

據伺其殆隙而擊之因安寄正以待敵整銜軸以攻險兵法曰始如處女敵人開戶後如脫兔敵不及距此兵之要也司馬宣王曰諸葛孔明志大而不見機多謀而少決好兵而無獲雖提卒十萬已願吾計中破之必矣及鄭表亦能知母丘險好謀而不達事情文欽勇而無謀至險兵敗皆如其言又潘濬見樊伯為武昌從事與州人設饌十餘度自起比至日中可得知以兵五千足以擒之果在濬之度內漢王與魏大將相直口尚乳臭不能當韓信謂騎將馮敬雖賢不能當灌嬰謂步將項他不能當曹參吾無患矣乃使韓灌曹二將軍果大破之後魏高祖宏曰青齊之兵可以禮遇徐充之卒理須義撫斯測度將卒之明驗也今之將帥多不自量其才器又不知彼之短長率爾合戰

卒然求勝由聚耶以擊山驅羊而鬪虎欲期弭兵靜亂不亦難哉帝王宜開英賢審將帥之器量文武之才則崇勲大業庶幾可立夫宰制山河割割疆宇舉大綱則易定滋苛細則難安故子房佐漢書天謀六七件遂定天下孔明荆蜀決沉機二三策遽成鼎峙英雄之大畧將帥之宏規也安危之機存亡之要審諸將畧可見徵焉

論將上

楊廷秀

臣聞聖人之所以鼓舞天下使之奔走淬勵以爭先於為用長治而不亂有急而不可乘者蓋聖人不示天下以其可窺而作天下以其不自止如此而已矣果不可窺也宜乎天下之不自止也天下之所以作之不起未起而復廢者吾之可窺者見而

彼之自止者隨之。今天下之所以患於無才而才尤患於無將。其病在此。方邊事之興，芒芒然以求將也。天下則亦芒芒然以趨之。天下趨之而朝廷不求將矣。非不求將也。邊事息而無所事將也。無所事將則天下亦弛然曰：無所事我則亦矣。而之他剛者柔勇，怯而柔怯者有不勝其柔怯矣。高者趨文科以售其身，而下者伏於農商矣。其精銳果敢者有所挾而莫之用，則去而為盜矣。天下弛矣而邊事又動也。而為將也則又芒芒然以求天下而天下莫之趨也。夫前白之所無事也，所以為今日之莫之趨也歟。夫如是焉，得將昔者成王周公承文武平定之業，誅三監，征弗庭，而天下服矣。於是酌堯舜夏商之禮樂法度，補葺成就，以至於大備。當此之時，文物煥於朝，頌聲被於野。太

平之所甚樂而成，主周公之所甚懼。非懼夫太平也。懼天下之窺吾君臣之樂。夫太平而彼亦樂之，以至於亂也。則有大司馬之官，日夜選將閱戎，如是而為軍，如是而為徒，如是而為鼓鐸，鑼鏡如是而為坐作進退，後至者誅，不命者斬。夫大閱者非真臨陣而應敵也。而後至者何至於誅，不用命者亦何至於斬哉。而其法如此，蓋其所以處暇裕之日，與處三監未誅之時，無異也。則天下何以窺上之無所事我，而我不可為也哉。是故文武並用而莫知其孰先，莫知其孰先，莫知其孰後，不見其所甚好，不見其所不好。才素備而無一日之憂，後之君臣狃於治而謂天下不復亂也。則曰：汝不逢高帝時，萬戶侯何足道哉。而羽林子弟授經於學校，與夫將軍不好武，而其子皆能，又則君臣相慶。

以為太平之盛觀而腐儒曲生又從而諛之曰兵寢者二帝三王之極功也。不知夫二帝三王之不如是也。諛說之誤時世也。諛說盛於下君臣怠於上而天下以兵為諱。以武為慙矣。棘門霸上之無人而開元天寶之末狼狽大敗者無怪也。非天下之無人也。上之人示之以其可窺而弛之使其自止也。今日之事邊警息矣。天下將曰朝廷無所事兵矣。此可慮之機也。臣願天子增重武事。不改於有事之時。訪求將才。不啻如有事之初。而宰相大臣亦折節以下。才畧武勇之士毋責其鄙野之狀。而毋怒其桀岸之氣。時賜之燕閑而延見之。棘之於其中而試之於其外。以陰求天下之奇傑。待之異而養之久。此所謂不示天下以其可窺而作天下以其不自止者也。則緩急之際亦何至於

茫茫然以求而求又不得哉

論將下

楊廷秀

臣聞今之議者曰選將莫若宿望而新進者未足用也。臣竊以為不然。選將之與擇相相似而大不同。是故相不厭舊而將不厭新。擇相不以舊不足以壓天下之望。選將不以新不足以激天下之才。蓋天下之相必道隆而德重。名節全而才畧高。天下之人曉然服其可以相也。或既相而去。天下恨其有所不盡而望其再有所盡也。如此者。亦相而天下願之。既相而天下悅之。既去而天下留之。是惟無相相之。而天下無異論。故曰相不厭舊。至於將則不然。夫所謂宿將者。功業就矣。名位高矣。富貴極矣。腴田甲第金玉寶貨充乎其家。歌童舞女酣宴沈湎。汨乎其

心昔之精明之謀者將暗然而勇果之氣者將廢然矣天下無事則曰朝廷苟有事不使我則不濟及其有事也使之舍其所甚樂而任其所甚憂取其甚愛之身而捐之必死之地彼則畏矣以今之畏合前之驕焉往而不敗故曰將不厭新蓋富人有作室者有楹而未育棟有棟而未育梁則徧國中以求大木三年而後得之於千里之外蓋千百年之松櫟豫章也室成而富人者疾有愚醫焉見其嚮之求木之意也則上其百年所藏之大雄烏喙焉曰此可已病也不知夫木者不老則不堅而藥者不新則不効今歲之藥來歲已陳且槁矣而百年之天雄烏喙則與朽壤何擇而尚伐病之能哉此將相新舊之辨也李廣之在漢驍雄傑出其君知之天下知之匈奴亦知之廣之心翹然

以無人視天下自以為漢將非我則不可也然衛青霍去病崛起於咸里之中與單于角勝負深入大幕直擣龍庭而廣乃以失期無功矣開元之後王忠嗣哥舒翰威名邊功天下第一天下之人以為一日不可無忠嗣與翰也及幽陵盜起廟堂失措忠嗣則不存而使翰則又敗復兩京平安史者乃一未有功之子儀而忠嗣部曲中之一光弼也當廣文盛時忠嗣與翰有大功名之日天下豈知有衛霍李郭哉然則宿將之與新進未易以相輕重也且人之有才者孰無自喜之心而人之於富貴功名孰無願欲之志自喜其才則必求所以自試志乎富貴功名則必求所以自取此如善書者樂於為人書而嗜酒者可以得酒則無不為也不因其自試之心而激之以自取而曰吾必得

事文類聚遺集

卷之十

二十七

宿將亦感矣故臣以為今日之取將莫若以新儒士之通敏沈雄者行陣之嘗有聞者舉武之有所蘊而不徒虛文者士卒之有能而自異者卑賤有挾持而不自達者豪猾有過而其才可贖者君相置意焉不測而識之於稠人之中無故而置之萬眾之上庶幾乎如高帝之得韓信又何患天下之無將也哉

乞審察將副劄子

洪邁

臣仰惟陛下天縱神武屬精政事當國家閑暇之時所以為久遠之計者未嘗一日而輟故整軍經武之備尤切於聖心至於激厲賞勸則自用兵以來所未之有切見比者以禁軍疑射鐵簾收功甚敏旌殿步帥之能訓習即遷其官以建康統制官劉忠趙臯武藝精絕既賞一人又升其帥郭鈞以遥郡其不稱者

則實之閑官賞信罰明轅門競勸繼自今必無復有妄補偏裨如向來之弊者然臣於此切有獻焉臣謂大軍列屯既已闐風爭奪其州郡主兵者上則有總管次則有鈐轄下則有都監名為兵官然麾下不過廝役之卒數十輩雖有將畧亦無所施今東南將兵多者五千人少者二千人其任職者唯正副將而資歷頗卑尋常除授之間不暇精擇豈無不才者濫吹其間脫有差委懼不勝任臣愚欲乞聖慈特降睿旨凡諸路將副闕到半年之前略做路鈐以上謝辭之制令赴樞密院審察其曾隨軍者仍試以技藝較其能否其不足統眾者改授他職庶幾兵將之間無小無大皆可以訓聖天子闔外使令誠非小補

古詩

事類彙編

魏將軍

杜子美

將軍昔着從事衫。鐵馬馳突重兩街。被堅執銳。魯西極。良辰月
宿東嶽巖。君門羽林萬猛士。惡若吼虎子。所監魏侯骨。登精爽
緊。華岳尖峰見。秋隼星纏寶。校金羅陀夜。騎天駒。超天河。捲槍
焚惑不敢動。翠旌雲旛相蕩摩。吾為子起歌。都護酒闌。揮鈞肝
膽露。鈞陳蒼蒼風。文武萬歲千秋奉。明主臨江節。士安足數。

律詩

奉和杜相公發京城

岑參

按節辭黃閣。登壇戀赤墀。銜恩期報主。授律遠行師。野鶴迎金
印。郊雲拂畫旗。叨陪幕中客。敢和出車詩。

獻封大夫受降回軍

岑參

驛馬從西來。雙節夾道馳。喜鵲奉金印。蛟龍盤畫旗。如公未四
十。富貴能及時。直上排青雲。愛看疾苦飛。前年斬樓蘭。去年平
月支。

劉校書從軍

楊炯

大將下三宮。星門召五戎。坐謀咨廟裏。飛檄佇文雄。赤上流星
劍。烏號明月弓。秋陰生蜀道。殺氣繞湟中。

送駱奉禮從軍

李矯

玉塞邊烽舉。金壇廟客申。羽書各銳筆。戎幕引英賓。劍動三軍
氣。衣飄萬里塵。希君勒石返。歌舞入城闈。

送靈州田尚書

薛逢

陰風獵獵滿旗竿。白草颼颼劔氣攢。九姓姜渾隨漢節。六州蕃

漠從戎鞍霜中入塞。瑠弓硬月下。翻雲玉帳寒。今日路傍誰不
植穰苴。門戶慣登壇。

送張大夫從軍

韓翃

邊事今勞役。儒歌逐鼓鼙。班超封定遠。君子去思齊。

獻封大夫破播仙凱歌

岑參

鳴笳疊鼓擁回軍。破國平蕃昔未聞。大夫鵠印搖邊月。大將龍
旗掣海雲。

詩話

會宴賦詩

王侍中智與武畧英奇。敕授徐州節制。雄材磊落。幕府既開。所
辟皆儒者。一旦從事於使院。會宴從容。賦詩頃之。遺於王公。乃

召護軍旗俱至。王公曰。前某以韜畧發迹。未嘗留心章句。云云。
遂乃引紙援毫。頃刻而就。云平生弓劍自相隨。剛被郎官遣作
詩。江南花柳從君詠。塞北煙塵我獨知。

諸路將官

歷代沿革

示

神宗留意武備。本以捍西北。一虞而推其法於東

南。故西北為多。東南為少。職畧。陝西諸路四十二將。河北諸

路二十七將。而東南總十三將。元豐四年詔。東南諸路團結

諸軍馬十二將。淮南東路第一。西路第一。兩浙西路第一。東

路第四。江南東路第五。西路第六。荆湖北路第七。南路潭州

第八。全邵永三州備廣西。應授第九。福建路第十。廣東路第

十一。西路桂州第十二。邕州第十三。實錄合諸路九十二將。

各有正副軍中行圖陣隊調發賞罰皆關決於將副宣和六年詔

元祐元年司馬光請盡罷諸路將官其禁軍各委本州縣長吏與總管鈐轄都監押等轄一如未置將官以前之法

而樞密院難之止詔諸路將副在州駐劄不係路分兵官知州并州鈐轄兼充者並差將官一員兼本州都監其單將駐劄處勿復差兼宣和五年御筆諸路將副部隊自今並依元

豐法中興會要選差乾道四年密院奏諸州揀中弓弩手雖

已差路分鈐轄都監春秋詣諸路巡按緣逐州未有將官專

一日逐訓練恐致事藝生疎詔諸州各置準備將一員專一

管轄日逐訓練揀中弓弩事藝孝宗會要哲宗職官志諸路

將官軍統制所兼禁旅以行陣隊伍金鼓旗幟了矢擊刺之

法而教習訓練之別其武藝精強者待次遷補以激勸士卒

凡兵付器甲之數廩糧犒設賞罰約束之禁令皆掌焉副將

為之二若屯戍防邊則受帥司節制御寇敵則審其戰守應

援之事若帥有幼則具誠數籍用命者而旌賞之續會要

古今事實

舜欽可用

劉舜欽字希文熙寧初詔求將帥近臣以舜欽名聞命總京東九郡將兵訓之悉以新書從事二年詔以所部軍閱於內殿神宗嘆曰坐作有度其可用也本傳

郭成可用

事文類聚遺集

卷之十

三五

郭成進築平夏城置第十將以戍之童蒙謂諸將曰新邊控扼誰可付者皆曰非郭成不可遂用之東都事畧

校閱按試

元豐間王祖道言陝西河北京東府路將皆朝廷所選擇尚多庸人其餘淮浙等路雖有團治訓練之法而無教閱按試之實職畧

力戰禦賊

劉仲武字子文為涇原路第一將夏人欲犯天聖至帥檄仲武會兵於天聖約過某日賊不來則分屯去仲武得賊的期乞緩分屯主帥正留一將及仲武軍賊果至仲武力戰禦之賊遁去遷銀河路兵馬都監東都事畧

戰功為多

趙隆除涇原第九將與夏人戰却夏人功為多同上

西戎無敢犯

李忠顯為鄜延路兵馬都監兼充第六正將西戎入寇公屢擊之自是無敢犯塞言行錄

古今文集

雜著

論諸路帥臣將副

周必太

臣伏見陛下選將練兵大修邊備深謀遠略固非外庭所能窺測然臣私憂過計以謂諸路帥臣有其名而無其實將副有其官而非其人萬一用師于外而寇攘乘間掣肘于內安得不為

之慮也哉願詔三省樞密院稽考諸路帥府除本州禁軍外安
撫司實有兵馬幾何隨其閑劇遠近立為定數已足者令精加
訓練不足者令疾速招填既只在本路駐泊計亦不難辦集仍
於見今副總管鈐轄路分都監中選有勇畧經行陣之人就兼
統制戎容既壯茲謀自折至於擇師加詳論以又任其在今日
尤為急務如此則稍有帥臣之實矣昔神宗皇帝初置將副其
選甚重比年小使臣不經邊任者往往得之軍情兵法體然不
曉但知諂辭媚色以奉守帥勇夫壯士專充工匠雜役之用本
路一有調發豈徒無益願遵舊制參以宏摹詳於擇人革此積
弊如此則稍復將副之舊矣二者一定他日朝廷專意外御必
無掣肘之患取進止

都副鈐轄

州鈐轄附

歷代沿革宋以朝官及諸司使以上充或一州或一路或兩路
三路亦有無都字者嘉祐詔內臣為鈐轄都監者逐路止置
一員分紀續會要載兩朝因史云官高資深充都鈐轄官
卑資淺稱鈐轄建炎三年要郡守臣兼兵鈐轄以武臣為之
副改諸路都監為副鈐轄紹興三年守臣罷兼兵職副鈐轄
改為路分都監而帥府如故自從益瀘夔廣桂五州牧皆以
都鈐為稱而江西贛州以多盜其守臣亦帶江西兵馬鈐轄
至於武臣為路鈐者亦無尺籍伍符然每歲猶往諸州按閱
特存故事而已間有得旨募治軍器或訓練禁軍者則仍帶

入衙朝野雜記

二十八年鎮江府守楊揆言舊法一路則有

路分鈐轄一州則有州鈐轄如常秀平江皆有之獨鎮江闕

欲添置州鈐轄從之中興會要

羣書要語總轄師徒

宋白集送張斌敕

就司鈐護胡文恭行余

靖制往涖兵鈐

蔡史宣制

申列部鈐兵之委

劉永年制

參委戎

鈐王興制

往涖戎政之重

公是劉貽孫制

訓齊軍政宜明國威

柳涉制

出總州兵

龍溪除州鈐制

選剖左符

符出鈐尺籍

胡文恭

賜州鈐詔

詩句高才本不緣勲閣餘力還思沿蜀兵

東坡送成都高鈐轄

古今事實

有將帥才

劉温叟傳孫九字伯壽舉進士第孫洸言其有將帥才易知京使智儂高盜嶺南九上童願自效授湖南路兵馬都鈐轄克邕州遂以功特加皇城使東都事畧

邊鈐兼守

祥符中涇原路駐泊都鈐轄兼知渭州曹瑋奏乞依舊例別差入知渭州臣乞一面管為鈐轄司事帝謂王欽若等曰邊防軍馬所屯之地若別置知州即各生事可降詔以諭此意

大破鬼章

姚麟從李憲討鬼章擢涇原路兵馬鈐轄以師援李憲兵為前軍麟謂其副曰賊衆我寡將迎擊之具以臨大軍之聲必濟即馳騎中軍告急憲進兵麟使入聲言姚公已破賊衆聞歡趨麟

事文類聚

卷之十

三

鼓而出戰方酣大軍踏至大破之

鐵山之戰

趙隆為涇河路兵馬鈐轄夏人寇涇原師至鐵山隆先登士皆殊死戰賊解召見徽宗曰鐵山之戰皆卿力也並同上

上環慶圖

曹瑋字寶臣真宗時為環慶路鈐轄帝欲其習知河北事從真定府路都鈐轄乃出其所上涇原環慶兩道圖以示輔臣曰華戎山川戰守之要盡在是矣因令本道諸將皆按圖以計事

賜神武畧見總管門

入為殿帥

楊遂傳儂智高反為廣南西路鈐轄亦有功累擢兵部郎中廣南西路鈐轄亦有功累擢兵部郎中

入為馬軍殿前都虞候東都事畧

用官人為

治平元年以內侍省押班王昭明為環慶鈐轄帶御器械李若愚為涇原路鈐轄令體測蕃情治其訞訟小事與帥議其大事則以聞各許歲一乘驛奏事前世以官人預邊事而將帥不盡其用及有是命人不以為便也諫官御史傅堯俞趙瞻言不使後卒罷之實錄

總轄之官以下係州鈐轄

楊揆奏目今不係將及廂軍緣無總轄之官甚不整肅乞置州鈐轄中興會要

戰擒其將

張耆為天雄軍鎮定州鈐轄契丹圍望都耆率諸將往遂與虜戰擒其將

古今文集

律詩

送奉使鈐轄高侯之任成都

錢穆父

烈士由來不徇名西南萬里不留行熊羆訓練整屯千騎尊俎雍容鎮百城關外使華新報聘山西家法舊論兵封侯富貴都由命請訪沉冥賈卜生

兵馬都監

歷代沿革宋兵馬都監有路分掌本路禁旅屯戍邊防訓練之

政令以肅清所部建炎二年以要郡守臣帶本路兵馬都監武臣一員充副都監中興會要紹興二年罷守臣兼兵職而副都監如故

羣書要語聽典戎之臣胡文恭行張忌制任以護兵同上職分

戎旅宋廣平集

古今事實

招徠州民

郭進傳太祖征太原以進為河東道忻代等州行營馬步軍都監招徠山後諸州民三萬七千餘口始進在西山太祖每遣戍必戒之曰汝謹守法我猶赦汝郭進殺汝夫東都事畧造舟濟師

潘美傳征江南以美為昇州道行營都監美因造舟以濟師至金陵江南以水陸十萬陳於城下美率兵襲擊大敗之因與木將曹彬率生晝夜攻城百道並進金陵平以功拜宣徽北院使同上

古今文集

律詩

送李監軍

韓愈

舊從張博望新事鄭長秋賜水過金勒邊風試錦裘知君不义住漢將掃旄頭

州都監

歷代公輩

宋

以大小使臣充掌本城屯駐兵甲訓練差使之事兼在城巡檢資淺者為監押續會要四朝志或雜用文臣其後止用武臣分紀

羣書要語

外領屯衆

公足行陳欽明制

職分戎旅

宋廣平集

護

州藩之兵

胡文恭行全克勲制

守職戎藩

賜定川都監敕

古今事實

護戎之任

咸平六年長樂夫人高氏為其弟處約求亳州兵馬監押真宗曰護戎之任實司軍旅

訓練警巡

濟陽曹武惠王彬充晉州兵馬都監劉鈞盜據并汾晉為敵境

王晝則訓練夜則警巡食無膏粱衣靡文采嘗一日與王帥環坐於野適有軍介馳書詣王潛問人曰誰為曹公看指王以示之者使人笑曰豈有國戚近臣肯衣弋緋袍坐木素胡床者乎審視之方信其簡儉如此言行錄

深沉智畧

劉滄字子濬頗知書傳深沉寡言有智畧少為左右侍禁韓琦范仲淹薦其材武擢閤門祗候為瓦亭砦監押東都事畧

先鋒擊賊

賈逵傳儂智高反狄青薦為泉州駐泊都監師戰于歸仁鋪逵為先鋒受命擊賊大破之同上

乘虎頭船

治平中趙用為界河巡檢都監虜人畏之以其常乘虎頭船故謂之趙虎頭分紀

新編古今事文類聚遺集卷之十一

建安

祝穆

宗禮

編

金陵

唐富春

子和

刊

府司部遺

督府

此下補外集宣慰使之後

歷代沿革後漢建武初征伐四方權置督軍御史竟則罷魏武
 征孫權還使夏侯惇都軫三十六軍明帝太和四年晉宣帝
 征蜀加號大都督正元二年文帝都督中外諸軍事尋加大
 都督及百伐吳之役以賈充為使持節假黃鉞大都督總統
 六師晉職官志宋人臣無君者唯江夏王義恭得假黃鉞宋

書後魏有都督中外諸軍事又置京畿大都督總攝六軍職

官分紀隋置大都督但以酬勤勞而已隋百官志唐太府皆

置都督景雲二年置都督二十四人察刺史以下善惡揚益

并荆四州為大都督汴兗魏冀蒲秦洪潤越十州為中都

督皆正三品齊鄆涇襄安潭遂通果夔十州為下都督從三

品當時以為權重難制奏罷之唯四大都督府如故自唐以

後不置宋紹興初呂元直復相謀進取秦會之欲奪其權乃

共議令元直以左僕射都督江淮荆浙諸軍事置司鎮江元

直覺之遽歸而命孟當文以參政權同都督已而落權字四

年趙元鎮自知樞密院為川陝宣撫處置使元鎮以與吳玠

共事為嫌乃改都督川陝荆襄諸軍事五年春元鎮與張德

並相遂兼都督諸路軍馬入街秋紇右烈志寧入寇詔湯

進之以左僕射為之進之逗遛不行乃命王瞻叔以參知政

事為同都督瞻叔亦丐免於是遂命楊存中代為都督非宰

相而為都督自存中始朝野雜記督視軍馬者紹興二十

年冬葉審言始以樞密院為之朝議以審言非相臣故其名

下都督一等蓋不考趙豐公故事失之也隆興初張魏公為

江淮都督乃命汪明遠以參知政事督視湖北荆西兵馬方

城失守汪責台州遂并令魏公督之同上張魏公之初為都

督也以行府為名凡事干朝廷則關三省樞密院孟度富文

時在政府大不平曰三省密院乃奉行行府文書耶因稱疾

求去隆興初再為都督宰相主和議所行多與督府異魏公

乃言進退調發當從督府取旨施行日近主兵官及帥守監
司輒以軍期事務徑申朝廷已劄下依本府指揮仍取軍令
狀上曰豈有不申朝廷之理乃詔江淮軍馬調發應援從督
府取旨施行其餘事務並令申奏如舊開僖用兵除立宗卿
僉樞督視軍馬閱月而免張肖翁以元代之不勝任奉祠而
去數月吳曦反復命李季章以參知政事督視四川軍馬既
而有裂土之議又罷行自是不復除都督矣並朝雜記
羣書要語汝徂征禹乃會羣后誓于野書薄伐獫狁至于太原
文武吉甫萬拜為憲詩元戎十乘以先啟行同上
詩句往來看擁傳前後賴專城孟浩然送韓使君除洪州都督詩

古今事實

得江漢心

晉將有滅吳之志以羊祜為都督祜率兵出鎮南夏綏懷遠近
得江漢之心

河南歸附

庾翼都督江荆益三州刺史制度規模每出於人數年之中軍
國充實人情翕然稱其才明由是自河南皆懷歸附

吳人悅服

羊祜都督荊州諸軍事招携以禮懷遠以德吳人悅服稱為羊
公

南土美謠

杜預為都督荊州諸軍事南土美而謠之曰後世無叛由杜公

孰識智力與勇功

政務清淨

唐漢陽郡王瓌為荊州都督政務清淨嶺外酋豪數相攻瓌使諭威德皆如約不敢亂

治少威嚴

唐襄邑恭王神符遷揚州大都督自丹陽渡江治隋江故郡楊人畏之然少威嚴不為下所畏

密表求鷹

唐李大亮為涼州都督嘗有鷹使見名鷹諷大亮獻之大亮密表曰陛下絕畋獵久矣而使者求鷹信陛下意邪乃垂昔旨如其擅求是使非其人也太宗報曰有臣如此朕何憂

墾田力耕

唐張儉徙代州檢校都督勸墾田力耕歲數稔私蓄富實儉恐廣易驕乃建平桑法入官廣悅喜由是斛儲流贏

議建督府

唐陽嶠等議建督府擇最吏故嶠為涇州都督

議罷督府

李景伯景靈中時議置都督非是詔羣臣著議景伯與太子舍人盧備議今天下諸州分隸都督專生殺刑賞使授非其人則權重疊生非強幹弱枝經邦軌物之議願罷都督留御史以時按察繇是停都督

道不拾遺

道不拾遺

郭元振遷涼州都督治涼五歲善撫御道不拾遺

為政嚴肅

張嘉貞歷秦州都督為政嚴肅甚為人吏所畏

奏攻取策

王師討蔡以裴度視行營諸軍還奏攻取策與帝意合裴度傳

請身督戰

時討蔡不利度請身督戰帝自度曰果為朕行乎度俯伏流涕

曰臣誓不與賊偕存即拜彰義軍節度淮西宣撫招討處置使

同上

威重夸遠

唐宗室孝恭為揚州行臺大都督再破巨賊北自淮東抱江度

嶺而南盡統之欲以威重夸遠俗乃築第石頭城陳盧徵自衛或誣其反赦為宗正卿

威信甚行

竇軌為洛州都督周洛間因隋亂人不土看軌下令諸縣有游手未作者按之由是威信甚行民皆趨本

刻石頌德

王駿景龍末授桂州都督州有兵舊常仰餉衡永駿始築羅郭罷戍卒棣江開屯由數千頃以息轉漕百姓賴之蒼年人刻石頌德

賜錦著政

王方慶武后時累遷廣州都督南海歲有崑崙船市外區琛琲

前都督路元啟冒取其貨船首不勝忿殺之方慶至秋毫無索部中首領查畢氏詣府訴府曹素相餉方慶納官屬不得與交通境內清畏議者謂治廣號第一詔賜瑞錦雜絲以著善政

示賊禍福

馮元常拜廣州都督詔便驛之官安南酋領李嗣仙殺都護劉延祐劫州縣詔元常討之率士卒航海馳檄先示禍福賊黨多降元常縱兵斬首惡而還

政尚清省

李襲志轉桂州都督襲志守桂二十八年政尚清省南荒便之

璽書賜勞

宗室晦乾封中為營州都督治狀聞璽書賜勞

區落降從

膠東王道彥拜崑州都督間遣人黨項諭國威靈區落降從

修復堰坊

張守珪為瓜州都督州地沙濇不可執是時渠堰為虜毀材木無所出守珪密禱于神一夕水暴至大木散千章塞流下因取之修復堰坊耕者如舊州人神之刻石紀事

教之陶瓦

宋璟徙廣州都督廣人以竹茅茨屋多火璟教之陶瓦築堵列邸肆越俗始棟梁利而無患

貪泉畢飲

唐馮立拜廣州都督前後作牧者多以贖貨為蠻夷所患數怨

唐書卷一百一十五

叛立到不營產業衣食取給而已嘗至貪泉歎曰此吳隱之所酌也遂畢飲而去

褒金以贈

李商遷廣州都督及遷人或褒金以贈曰吾自性分不可易非良人知也已上並唐書

專治軍旅

國朝呂忠穆公願浩字元直與秦檜同秉國政檜冷其黨議論一相宜分任內外之事遂除願浩都督江淮等路諸軍上諭之曰願浩專治軍旅檜專理庶務如種蠶之分職願浩秦檜唯唯奉詔乃詔願浩總師北向置都督府于鎮江言行錄

兼領屯田

張魏公請親行邊郡上乃令浚往視師初言屯田者甚眾而未見其效至是浚兼領屯田以出始置官屬凡所行之事皆畫一而去

表裏相應

趙忠簡公鼎與張浚俱帶都督諸路軍馬置師行在浚出視師江上以行府為名而鼎居中總政事表裏相應言行錄

視師江上

張魏公秉樞覽視師江上時兀朮擁兵十萬于淮陽公召太師韓世忠張俊劉光世與議且勞其軍將士見公來勇氣十倍韓世忠移書兀朮為言張樞密已在鎮江初虜謀報公得罪遠貶故悉力來寇至是兀朮問世忠所遣麾下王愈吾聞張樞密

張浚除右僕射都督諸路軍馬往江上視師浚至鎮江召韓世忠親諭上旨使舉軍前屯楚州以撼山東世忠忻然奉命至建康府張浚軍至太平州撫劉光世軍軍士無不踴躍思奮言行錄

都督軍馬

張浚除右僕射都督諸路軍馬往江上視師浚至鎮江召韓世忠親諭上旨使舉軍前屯楚州以撼山東世忠忻然奉命至建康府張浚軍至太平州撫劉光世軍軍士無不踴躍思奮言行錄

措置邊防

樞密副使王庶暫往江淮措置邊防庶素有威嚴臨發勞師於都教場軍容嚴整便服坐壇上自楊沂中而下悉以戎服由轅門庭趨受命拜賜而出莫敢仰視自多事以來所未有中興系

國威大震

張魏公至江上會諸大帥議事乃命韓世忠據承楚以圖淮陽命光世屯廬州以招北軍命張浚練兵建康以為進屯盱眙之計命沂中領精兵為浚後翼命岳飛進屯襄陽以窺中原國威大振上御書裴度傳遺賜以示至意言行錄

手書嘉歎

張魏公往視江上手書賜浚曰賊雖犯順侵壽及濠鄉獎率師徒臨敵益壯遂使凶渠宵遁同惡自焚寤寐忠勤不忘嘉歎兒童知名

張浚往江上視師四方之士莫不傾心健將悍卒見之者必咨嗟太息下至兒童亦知有張都督每使者至金國其國必問浚

今何在並同上

倚公如長城

張浚樞密使仍督師江淮上召督參陳俊卿及俊子拭赴行在
上見俊卿等問浚動靜飲食顏貌曰朕倚魏公如長城不容浮
言搖奪編年簡要

古今文集

律詩

送西川杜司空赴鎮

薛逢

黑眉玄髮尚依然紫綬金章五十年三入鳳池操國柄八分龍
節付兵權東周城闕中天外西蜀樓臺落日邊莫遣洪鑪曠真
宰九流人物待陶甄

送王相公赴范陽

錢起

幕開丞相府旗總二師營料敵知無戰安邊自有征

督參

歷代公華宋紹興二年以呂頤浩都督江淮荆湖諸軍開府鎮

江頤浩辟參謀官已下文武七十七員

詩句相府開油幕門生逐絳紗劉禹錫送趙忠丞參令狐僕射

古今事實

戲談廢事

晉陶侃為都督參佐戲談廢事侃責之曰君子當攝其威儀何
有亂頭養望自謂安達耶

得才重望

唐趙璟審官儀六蕃府官屬曰諸史辟署務得才以重府望能
否已試則引而置之朝無俾其久滯史列傳

贊謀參務

張拭字敬夫孝宗即位起忠獻公宣撫都督諸軍事忠獻公奏
以公書寫機宜文字是時公甫二十內贊密謀外參庶務夙夜
凜凜直以君父之責為已憂言行錄

極一時選

張拭辟機宜時浚起請籍受重寄開府治戎參佐皆極一時之
選幕府諸人自以拭為不可及國史

斥去小人

向子志字宣卿朱丞相勝非以督府討李成於江西屈公參議
有一縣令以不廉被訟求薦入幕公具以姦賊白丞相斥去因
論君子小人不可使混雜以亂政丞相納用之

入參謀議

陳克字子高金陵人不事科舉博學專用以資為詩晚得官呂
祉安老帥建康辟置為屬安老入為尚書參都督府謀議子高
復從軍為淮西之行

皆天下選

張于湖督府參議官制云朕命相臣以幕府臨遣凡其自從皆
天下之選爾思直強明克承厥家所居之官聲績較著尚堅一
心益固兵圍

古今又集

律詩

送李校書起杜相公幕府

杜子美

貪趨相府今辰發，恐失佳期後命催。南極一星朝北斗，五雲多處是三公。

制置使

歷代沿革唐

宣宗大中五年，以白敏中充招討黨項行營都統。

制置等使，通監制置使之名始此。宋不常置，掌經畫邊鄙軍旅之事。政和中，熙秦用兵，以內侍童貫為之。四朝志：宣和末，姚古為京畿輔郡兵馬制置使。靖康初，種師道為河東路制

置使。錢蓋為陝西五路制置使。

欽宗實錄

建炎元年有招捉

盜賊制置使。自王淵始。三年有行在五軍制置使。自劉光世

始。又諸路皆有副使。自江浙陳彥文程千秋始。六月浙西安

撫使康允之帶本路制置使安撫帶制置。此自始也。

四年罷

有泆江都制置使。

管江南東路知建康府

紹興二年有泆海

制置使。

係建康兩浙東路

三年有安撫制置使。

大使之名自

江南西路大使趙鼎始。

六年始鑄印以某路制置司為名。從

浙西淮東制置使梁汝嘉所請也。其後盡省。惟四川泆海有

馬。四川係成都府泆海係明州

開禧用兵起。立宗卿守金陵。

留鑰宗卿嘗以倉樞督視軍馬。於是趙淳已為江淮制置。命

宗卿為江淮制置大使。已而罷四川宣撫。又以安子文為制

置大使朝議以子文恩數視執政特加大字

古今事實

誅賞便宜

張浚至襄陽自屬郡守貳以下皆得誅賞因薦程千秋為京西制置使假以便宜王之望西事記

舉按不法

席大光在成都得旨位宜撫副使上制置使凡監司不法許舉按朝野雜記

築保置戍

范成大為四川制置使公以黎為要地奏置路分都監增五寨籍少壯為兵凡吐蕃擾邊徑路十有八悉築保置戍重賞募

蠻使相疑貳俄蕃牙擒文才以獻公命斬之言行錄

討擊撫摩

范成大為四川制置使文州蕃部間擾邊公奏乞豫為文告備強者討擊之善良者撫摩之使知畏慕即日施行

人才羅致

范成大為四川制置使凡人才可用者公悉羅致幕下用其所長其傑然則露章以薦往往光顯于朝並同上

並聽節制

制置使自熙豐後多以武臣為之建炎元年郭太尉仲宣制置東南盜賊請監帥司並聽節制許之朝野雜記

古今文集

雜著

乞令四川制置司通知馬政

周必大

臣聞蜀有邊防有馬政前後議者多云二者必須相關然後事體歸一朝廷亦嘗屢行申飭矣其如制置司專任邊防而馬政多寡在所不問都大司專主茶馬支費浩漣有所不恤若非兩司通知其利害則雖欲使之協力何可得也且陛下以全蜀兵民之寄付之制帥雖御前諸軍猶許節制總所錢物猶得商確而馬政獨不預聞可乎臣愚欲望特降睿旨今後凡每歲市馬若干價直增損若干收支茶絲銀兩若干並令制置司通知如此則議論歸一邊防馬政不致相妨實為悠久之計取進止

古詩

送王舍人制置四川

洪邁

昭代推大傑誰登上將壇君王念方面侍從輟儒冠魏闕成高拱梁州遠監觀九天開幕府萬里入征鞍往昔先多士歸歎幾考槃中年思賢誼見晚歎嚴安禁掖侵霄漢秋空刷羽翰文章響龍虎班級上鷲鷲謀帥西南急登庸歲月寬智謀回睿眷節制妙朝端風采今如此家聲定不刊雪山方始重蜀道幾曾難地迥江驚急雲孤峽怒蟠梅花春欲動水國暮生寒行路艱初起籌邊策未殫那箇無惜醉岷芋且加殮鄉曲霑投分蓬萊赤備官丹心空自喜青眼獨相看此地從公別何時話夜闌歸來消息近鵬背一朝搏

律詩

蘇文頌

卷之十一

十一

呈知鄜州何士宗

向敏中

動將鐘鼓瑤銘鏤業為皇王致太平
貔虎有威開玉帳犬戎無戰卧金鉦

贈滕使君

張孝祥

千騎東方白玉鏢十眉環坐紫檀槽
安南都護來警禁建武將軍握豹韜
瘴雨蠻煙驚鼓角朔雲邊雪滿旌旄
夕烽不到甘泉殿尺一徵還近赭袍

次韻王帥彥昭破賊

葉集之

將略兵機斷若神濟時須仗老成人
指麾自扣囊中智謀議誰參幕府賓
已喜雄威存楚越更看餘策取綬銀
明年此去登黃閣要使恩榮萬國春

送賈使君

劉商

考績朝稱貴時清武用文
一天移外府三命佐元勳
佩玉兼高位樞金閣上軍
威容冠是鐵圖畫閣名雲

送趙尚書北伐

張說

兵連紫塞路將舉白雲司
超劍榮申貴銜益盛出師日
華鮮組練風色焰旌旗
投筆樽前起橫戈馬上辭

贈容尚書中丞

陳陶

普寧都護軍威重九驛梯航
壑要津十二銅魚尊畫戟
三千犀角擁朱輪

送李尚書赴襄陽

韓愈

帝憂南國切改命付忠良
壤畫星搖動旗分獸
斃揚五營兵轉

蕭千里地還方賜書，實屬郡戰馬隔鄰疆。縱獵雷靈迅，觀基玉
石忙。風流峴首客，花艷木堤倡。

送容州唐中丞赴鎮

杜牧

交趾開星座，龍泉佩斗文。燒香翠羽帳，音舞駸金羣。燭首衝龍
浪，犀渠拂嶺雲。莫教銅柱北，長說馬將軍。

送路使君赴任

杜甫

王室比多難，高官皆武臣。幽燕通使者，岳牧用詞人。國待賢良
急，君當拔擢新。佩刀成氣象，行蓋出風塵。

送封尚書節制興元

薛逢

大封茅土鎮褒中，醉出都門殺氣雄。陌上晚花迎虎節，馬前新月
學香弓。珂臨響澗聲先合，旆到春山色更紅。欲識真心報天子，

子滿旗全是發生風。

饒趙尚書赴朔方軍

蘇頌

勁虜欲南飛，揚兵護朔垂。趙堯無易即，鄧禹即分麾。野饒迴三
傑，軍謀用六奇。雲邊愁出塞，日下槍臨岐。拔劍行人舞，揮戈戰
馬馳。明年麟閣上，充國拜於斯。

宣諭使

歷代公章

宣諭使

舊有之以宣諭德意為職而已，不與軍事度

江後所遣尤數。紹興二年冬，分遣御史五人宣諭東南諸路，
觀風問俗。平反獄訟，宣布德意。論年乃還。六月，已遣范右司
直方宣諭川陝。九年，又遣方察院庭實宣諭三京，皆使者職。

也時李察院宋被旨宣諭江西乃專督捕盜平遂羅為廣西
提刑是年新復陝西詔樓仲輝以僉書樞密院往永興宣諭
鄭亨仲以秘書少監為參謀予衛卒千人因制置移屯等事
宣諭之權自此重矣十一年鄭亨仲宣諭川陝始建使名得
與邊事二十一年汪中丞徹宣諭京西湖北得旨撫勞將士
躡訪事宜二十三年康雍公宣諭川陝乃專招軍買馬其年
王瞻叔代之亦參軍政蓋自鄭亨仲後其權在宣撫之亞焉
朝野雜記

詩句渡江野老思求渡候館杉人憶下軍部元送彬州裴明府充宣慰使
手持國憲羣僚畏口喻天慈百姓安羅維上李蘇州詩

古今事實

循行諸路

呂忠穆公願浩字元直時諸路盜賊稍息公慮守令不虔請分
御史循行諸路上乃詔三省選彊明廉謹之人臺察不足則以
郎官攝之皆令引對面給親札御寶曆日攷其殿最以著賞
罰分徃諸路並以宣諭為名言行錄

薦劾盡公

高宗紹興二年遣使宣諭諸路賜以宣諭詔書御寶手曆居他
官者並攝御史劉大中胡蒙朱異明橐薛徽言五人同入見上
諭曰比所下詔令州縣皆為虛文今遣卿等務於民被實惠守
令民之師帥縣令尤親於民姦賊之吏必須接發公正奉法之
人必須薦舉山林不仕者亦具名以聞平反獄訟觀問風俗等

事類彙編卷之十一

事並書於曆朕一レ行之乃詔異使浙東福建蒙浙西大中江
東西微言湖南蒙廣東西各賜內帑帛二百大中薦舉按劾兩
盡其公士論稱之

奏攻守策

虞雍公之為宣諭也開幕府於襄陽以為荆襄藩籬實在唐登
勝勢在唐州方城其次在樊城其次光化軍當先城新野次鄧
州次唐州又開泌河以通漕運藩籬既固則襄漢久安此守策
也王師進取之路出秦以睨秦出襄鄉以襲許出汝洛出商虢
以震河東出商以圖陝西此攻策也部分以定累奏以聞時相
欲速和議棄唐鄧三州朝廷深悔之言行錄

牛酒迎師

虞雍國忠肅公允文自襄陽開幕府於興元時為川陝宣諭使
經理有序聞河響應軍民歸附日以萬計且爭出蜀粟牛酒以
迎王師夫何言者謂宜奔陝西三路新復州郡而退守蜀之故
封公屢爭不能得同上

古今文集

雜著

辭宣諭奏狀

吳芾

臣一介疎遠陛下過聽付臣以淮西之寄臣退惟江淮表裏之
雄師旅營屯之衆事大體重受任匪輕臣學不知兵才非應猝
究淮西之形勢實江左之藩籬列城雲屯諸將環峙內以宣昭
於王略外以安靜於邊陲是必精神足以折衝智識足以應變

始可當一面之重寄，實九重之顧憂。如臣憤不習於軍旅，愚亦聞於事機，微且寵榮，必辜任使。

古詩

贈除涼州宣諭

荀濟

副尉西域，返伏波南海。遠龍旗翻，委鬱蠲軸。更迴道博，選咆咻土。廣募嫖姚尉，映月比刀還。看星嗟劍氣，澎湃水尚寬。噲噉日猶未。

參議官

此下補外集經略史之後

歷代沿革：唐置藩鎮，皆有參謀。至行軍亦有之。開元軍中機密，張建封署溫造，詔劉濟使納忠於朝。宋建炎四年詔兩浙西

贈崔諮議

李白

駮驥本天馬，柔非伏櫪駒。長嘶起涼風，倏忽凌九區。望君垂新綬，拂猶可騁中衢。

送侯參謀

韓愈

今君行得所，勢若脫鞴鷹。檄筆無與讓，幕謀識其膺。收績開史牒，翰飛逐溟鵬。

贈梅聖俞

劉原父

聲名動冠劍，久合參朝采。何意幕中客，新違江上宰。高材用雖晚，大器終有待。三公識者多，薦拔可立待。

送李校書赴京川幕

盧綸

編簡塵封潤，戈鋌雪照營。男兒須聽用，莫信筆堪耕。

專文類聚遺集

卷之廿一

七

選員外赴分寧使幕

劉禹錫

家襲常平身業文素風清白至今貧南宮通籍新郎吏西候從戎舊主人

選吳參議

樓鑰

才氣勇無前人推季子賢侯藩聯剖竹制幕晚依蓮勢利從身外風流到酒邊四明欣會遇兩載得周旋為記題名石仍吟達觀篇留行何及矣執別但茫然我已甘投老君方欲引年未知重見日目斷五湖舡

機宜

歷代沿革宋安撫使司其屬有勾當公事管勾機宜文字准備

差使

哲宗正史志

建炎初安撫大使許置主管機宜文字管

書寫本司機宜文字各一員紹興四年詔帥府書寫機宜文字除係事干機宜合書寫外其餘文字並不符簽書奉給京官依通判選人依簽判中興會要

羣書要語

雍宏幕畫

初察除機宜制

外任幕府

除姚守和制

任

有事要權制兵機白六帖

古今事實

內贊密謀

張忠獻公宣撫都督諸軍事奏以拭書寫機宜文字是時年甫三十內贊密謀外參庶務夙夜凜凜直以君父之責為己憂朱晦庵文

召問邊事

趙尚郭達師延安辟掌機宜文字上知其才召見問邊事除集賢校理還延安哲宗實錄

上平戎策

王韶字子純上平戎策神宗奇之以為秦鳳路經略司機宜文字時青唐俞龍珂族大難制韶親帥數騎直抵其帳且留宿以示不疑龍珂遂率其屬十二萬口來附於是青唐渭源諸侯俱納地周環二千里賞韶直集賢院東都事略

薦堪大任

王安禮字和甫唐介帥太原辟機宜文字後帥呂公弼薦于朝謂堪大任代還召見占對詳明神宗勞問甚久哲宗實錄

部分方略

劉子羽字彥修父忠顯帥真定復辟以從女真入寇圍城數匝父子相與死守部分方略多公之謀虜不能拔而去名聞河朔間除直秘閣南軒集

築堡控衝

楚建中管為鄜延經略司機宜時元昊納款建中數日主帥請備之乃命建中築安定黑水等八堡以控東路之衝元昊犯邊以鄜延有備不敢入哲宗實錄

募民為兵

劉忠顯帥越辟其子子羽主管機宜方臘反佐忠顯募民為兵卒全其城晦庵集

事類彙編 卷之十一 三

閱奏知人

熙寧二年韓琦判大名府奏乞不散青苗上閱其奏曰此必疆至之文也時至為大名府安撫司機宜神宗實錄

不負韓公

李清臣字邦直韓絳宣撫陝西即奏掌機密文字就遷太子中允檢正中書公事絳貶清臣曰我不負韓公者因求還所遷秩補外丁未錄

再召除檢詳

趙君錫韓琦守大名辟主晉機密文字改大理評事再任召除檢詳

未幾除史館

韓維字持國富弼安撫辟掌機宜文字未幾除史館檢討哲宗實錄

古今文集

古詩

選韓持國從富并州

王介甫

韓侯冰玉人不可塵土雜云子材宜用世談者為嗚嗚矧今名主人氣力足呼飲推賢為時輔勢若朽易拉會當薦還朝立子在閭闔注富弼安撫河東辟維管勾機宜文字

帥幹

歷代沿革 祖宗朝安撫使司屬有勾當公事高宗即位避御嫌名改為幹辦公事官五員其俸給京朝官依通判選人依僉

韓文公類集卷之十一

判支破紹興四年江東西湖南浙西安撫大使許置幹辦公事五員安撫使置四員中興會要

古今事實

畫策造戰

張忠簡公聞字大猷參政席益帥湖南辟公幹辦公事洞庭群盜熾張公畫策造戰擢訓水軍賊勢以衰諸司交薦平園集

直言不隱

向櫛字節之調廣西經略司幹辦公事桂帥李浩與公有舊事無小大必直言不隱李浩欲於近城為營田從事皆承意取逃戶絕產籍入之務多其數以合浩意公曰桂環城皆山土由瘠少今所籍者多涸源燒嶠徒勞入土無益也其後卒如公言

之 楊誠齋撰向櫛行狀

帥屬

歷代沿革 趙璟審官議六藩府官屬曰諸使辟署務得才以重府望能否已試則引而置之朝無俾久滯

羣書要語 受命辟書祗事戎府白六帖載筆旌麾運籌帷幄○

盛府求賢戎書辟士並同上

詩句 風雲入壯懷泉石別幽耳韓愈送石處士赴河陽幕君家

酥酪弟兄賢督府從軍滯幕蓮宋庠寄武昌胡從事暫佐元戎

美思齊十萬軍劉德仁夜訪蜀孤從事

古今事實

古今事實

遇事慷慨

孫昭遠字顯叔。依河東經略司幕府。陝西方用師。夏人乃窺河東。帥司奉朝命聚師。令王舜臣將之。虜知有備。去它路。朝廷謂不當擅追舜臣。兵入塞。并劾主議者。公請獨坐。其遇事慷慨如此。 詹定菴撰孫昭遠墓誌

有用之才

湯思退為相。時武舉第一人趙應熊。擬授江東帥司屬官。上曰：應熊有用之才。觀其所試。皆有可采。公曰：應熊初入仕。且如此處之。養其資望。上曰：善。 言行錄

辟置幕下

李之儀字端叔。善屬文。工於尺牘。蘇嘗謂得發遣三昧。軾帥定

武辟置幕下

東都事略

除宗正簿

游師雄字景升。趙尚帥延安。辟為屬久之。除宗正寺簿。 同上

議攻守策

元昊反。夏竦為經略。招討使辟尹洙為經略判官。上意必欲誅元昊。詔遣近臣督戰韓琦時為招討副使。與洙請關議攻守之策。 分紀

納降上疏

趙尚字公才。夏人不庭。郭達宣撫陝西。帥延安。尚皆在幕府。種諤擅納綏州降羌數萬。朝廷病其生事。議誅諤。尚上疏。 都事略

不出他門

王岩叟字彥霖韓琦留守北京辟岩叟為屬韓絳代琦欲留岩叟岩叟謝曰岩叟魏公之客不願出他門也士君子稱之同上

同游嵩山

謝希深歐陽永叙官洛陽時同游嵩山歸暮抵龍門香山雪作留守錢文僖公遣吏以厨傳歌妓至且勞之曰山行良勞當少留龍門賞雪府事簡無遽歸也錢遇諸公之厚類此錄郡氏聞見

古今文集

雜著

福建路安撫司二準備差遣廳記 劉克莊

二準備建罷不常增西廳以監牛田場兼之自嘉定某帥始復東廳自端平文忠真公始闡閩歲計繫乎鹺二屬秋雖甲西主

亭前東主給售帥得自辟徐君憲王君稼皆以才為安撫使尚書趙公羅致舊無廨始度地於府治西北隅背郡圃迫馬廐尤庫隘公曰圃可縮也廐可徙也致客而不能館可乎哉乃捐庫錢二百二十萬益以沒官山水廢寨瓦石併蓄於丙午落成於丁未二廨規撫位置悉公指授稼俾余記之今諸道使者之屬皆稱雄盛師非諸使之長乎而其屬獨牢落廳寒如冰吏卒鷄結率取諸曹掾所棄曩余參真公謀議熟知之時廨廢為潛火局假屋以居機宜寓僧寺僅存一幹官直舍委曰閑慢官爾噫彼之所謂雄盛得意者嘗求其故矣賦訟繁而文書多也予奪健而聽信專也蓋智以繁而昏力以多而分健之弊為薄專之弊為諂是數者固常情之所羨而有識之所畏也閩幕則異是

矣。居常無事，不幸小有調發，急符旁午，吏卒並緣，饜飶隅總，依馮桀鷲，不但賓主汲汲，鮮權郡邑，皇皇奔命，而更番之舟，漁業之民，皆騷然失寧於四封之內矣。惟失歲豐盜熄，野無桴鼓，吾主人可以雅歌而緩帶，吾儕可以長衣而清談，奈何不此之樂而彼之羨乎。公忠定丞相嫡孫，治如忠定，官自鸞鷲，革去敷抑，勦平海盜，鯨浸不驚，以羨錢余粟萬斛，備緩急，祖孫相望，為閩賢帥，其待士尤有禮。昔有廢官館為庫廩者，公今徙廩築館，以龍媒汗血之末，得為緩而以樂毅劇辛之末，至為急，公有合羣才康斯世之志矣。惜其局于方苞也。公名必愿，字立夫，稼字無逸，由東廳改秩，憲字其由，西廳陞幹辦公事。

請置經略副使判官參謀

呂大防

臣竊觀自古設官之意，必先置貳立副，不以名位為限者，所以紓艱危而適順用，聚聰明而濟不及也。總兵命將尤重其選，以漢唐事言之，大將軍有長史司馬從事，節度使有副使判官參謀，其自小官而登寄任，立功效者，不可勝數。本朝祖宗以來，實用此法，故名臣不絕，而夷狄畏服，竊見今緣邊經略使獨任一人，而無僚佐謀議之助，雖有副總管鈐轄之屬，皆奉節制備行陣，非有折衝決勝之略，預於其間，朝廷每除一帥，幸而得能者，則一路兵民實受其賜，不幸而得不才者，與焉則是以三軍之眾一聽庸人之所為，豈不可懼哉。其敝蓋由朝廷不素養其材，而取入之路又常太狹，方今戎人旅拒邊患漸生，若不早為准備，閱試其能，誠慮臨事用不暇，精選因而敗事，所繫不細，以臣

愚見經略使各置副使或判官一人朝廷選差素有才略職司
以上克參謀一人委經略使奏辟知邊事有謀略知縣以上充
如此則可用之士不以位下而見遺中材之帥又以人謀而獲
濟兼得以博觀以試之效以備緩急之用講緝邊要莫先於此

古詩

送程劉二侍御赴安西幕府

李白

安西幕府多才雄喧喧惟道二數公綉衣貂裘明積雪飛書走
檄如飄風朝辭明主出紫宮銀鞍送別金城宮天外飛霜下葱
海火旗雲馬生光彩胡塞塵清計日歸漢家章綬遙相待

律詩

送沈達赴廣南幕府

蘇子瞻

君隨幕府戰西羌夜渡冰河砂雪壘飛塵漲天箭酒卑臨對妻
孀真夢耳

送陳彤之江陵從事

姚合

荆州勝事舊家聞幕下今朝又得君才子何須守科第男兒終
久要功勳

送沈世德撫幹還朝

周必大

元戎已趣曹裝觀上客難教儉幕留積雨半篙生別浦清風十
幅送歸舟槐庭袞綉行虞侍芸閣鉛黃待校讎池有游鱗雲有
鷹尺書能寄故人否

新編古今事文類聚遺集卷之十一終

早稲田大学図書館

011488600178